

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti – za zdravstvo“, broj: 02-11-9547/23 od 09.06.2023. godine, na prijedlog Ministarstva zdravstva, Vlada Zeničko-dobojskog kantona, na 24. sjednici, održanoj dana 15.06.2023. godine, d o n o s i

ODLUKU

o odobravanju sredstava JU Opća bolnica Tešanj za finansiranje nabavke digitalnog mamografa

Član 1. **(Predmet)**

(1) Odobravaju se sredstva JU Opća bolnica Tešanj u iznosu od 250.000,00 KM (slovima: dvijestotinepedesethiljada konvertibilnih maraka) za finansiranje nabavke digitalnog mamografa.

(2) Obavezuje se JU Opća bolnica Tešanj da provede postupak javne nabavke u skladu sa Zakonom o javnim nabavkama i podzakonskim aktima koji su doneseni u skladu sa zakonom i isti okonča u toku 2023. godine zaključivanjem ugovora o nabavci.

(3) Ukoliko nakon provedenog postupka javne nabavke ugovoreni iznos bude veći od iznosa iz člana 1. stav (1) Odluke, Ministarstvo zdravstva će finansirati iznos odobren Odlukom, a preostali iznos će finansirati JU Opća bolnica Tešanj iz vlastitih sredstava. U slučaju da ugovoreni iznos bude manji, Ministarstvo zdravstva će finansirati iznos prema zaključenom ugovoru o nabavci.

Član 2. **(Analitička konta)**

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva iz člana 1. ove odluke će se u ukupnom iznosu prema zaključenom ugovoru transferisati na žiro-račun JU Opća bolnica Tešanj broj: 134-656-1006764490 otvoren kod ASA banke, po okončanju postupka javne nabavke, na osnovu ove Odluke i zaključenog ugovora o nabavci.

Član 3. **(Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Opća bolnica Tešanj, svako u okviru svoje nadležnosti.

Član 4. **(Izveštavanje)**

(1) JU Opća bolnica Tešanj je dužna izvijestiti Ministarstvo zdravstva o namjenskom utrošku sredstava, dostavljanjem fakture dobavljača sukladno zaključenom ugovoru o nabavci i dokaza o uplati sredstava dobavljaču.

(2) U slučaju neizvršavanja ugovorenih obaveza u ugovorenim rokovima JU Opća bolnica Tešanj dužna je odmah izvijestiti Ministarstvo zdravstva.

(3) U slučaju nepostupanja prema članu 4. stav (1) i (2) ove odluke, JU Opća bolnica Tešanj

je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-9844/23

Datum, 15.06.2023. godine

Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x JU Opća bolnica Tešanj, putem Ministarstva,

1x „Službene novine Zeničko-dobojskog kantona“,

1x a/a.